


是三皇以前太易之代非也中元三部即後聖君置也其下部徐將軍事修行用法一一依上部中部修用也大約下部主地水心行之事悉皆起念便是用法一一皆主地水神龍鬼之物也



後聖君告方諸童君及諸大真言上元三部將軍步綱以正鎮三魂北斗步綱註是飛步天綱以定七魄註不論天綱地紀之法皆同制於七魄之法也夫人學仙道皆須先正三魂後制七魄今定是法之具八仙道之門功滿上昇禹步之綱以治萬神萬神正定五藏堅牢法成身真故曰真人其行修下部步綱皆以下元甲子中本命日修行步三遍註三遍一從初起問兩跡上跡步上至十五跡是也即誦地紀十八篇祝一篇天綱祝十二篇一遍訖即捨都監訣少時即畢其別行用並

依前用

金鎖流珠引卷之九

正一天師清微弟子 洪百堅 製作

道教學術資訊網站

金鎖流珠引卷之十

思允

皇極真經卷第十 漢書卷之十

中華 仙 人 李中風 註

存誦中斗七星名法圖

第一星名貪狼字露神子二名魁三名陽明四名若為五名神武六名玄樞七名天英八名恥符正名否留內名關上屬歲星鎮應徐州也是天御史中丞西河人註此一星有九名多是古星官之位名又言御史中丞者亦如今國家有此官也北斗御史中丞即天曹官位子生人屬之也

第二星名巨門字貞之二名魁三名喻見四名陰精五名敢武六名天根七名法提八名已无內名關上應太白星下應益州也是天大司馬南鄉人註揚州之南霍山之側地生也丑亥生人屬之也

第三星名祿存字子宜註一本無宜字也二名魁三名真人四名歷擊五名神剛六名天柱七名命機八名老鬼陽內名註內名者是真名也關上應箕星下應冀州是天少府

九卿長沙人古長少婦寅戌生人屬之也

第四星名文曲字世惠子二名魁三名玄冥

四名庚與五名天殺六名隼擊七名天屠八

名索諾內名閻上應辰星下應荊州在天為

司徒光祿大夫會稽人一云吳中人卯酉生

人屬之也

第五星名廉貞字子衡二名魁三名丹元四

名鄒收五名四王六名板玉七名魚行八名

樓張內名閻上應鎮星下應兗州在天為大

夫鴻臚卿益陽人辰申生人屬之也

第六星名武曲字大車子二名魁三名北極

四名度頭五名生門六名他如七名誅免八

名彙閣內名瓊上應歲星下應揚州在天為

廷尉卿益陽人也此縣出兩大夫官上仙也

已未生人屬之也

第七星名破軍字大時賓二名魁註魁主指

萬物攝殺之炁故天上地下人神龍鬼萬物

被指七度彗二七度滿三七度乘四七度死

世知之常存之自然通神存指凶惡鬼賊應

時而伏止大驗也三名天關四名敢健五名

金方六名執光七名天衝八名刺心內名閻

上應太白星下應豫州在天為領軍步兵註

國家舊有步兵官號也鄱陽人午生人屬之

也

右七星見主生民死鬼之事包指萬象巡察

九天一日一夜周天一遍以管約天地水三

官彈糾萬物下界人神龍鬼精邪萬物皆畏

伏而不敢拒

太平金闕帝君故示九等之名於天師付授

有道之子令不迷惑

老君曰七星見者主理生民萬物註言萬者

天地之間但生死之物皆此斗七星官君主

也上生落死事事皆由七星之官不歷於別

官曹也莫不生死皆屬之故以有道心孝順

師父之人可以口傳九名如非人不可妄傳

殃及七祖非一身也

第八星名太上真君一名同玉二名天樞三

名載應天蓬下應坎宮正鎮冀州在天為外

部隱形不出知水官之事

第九星正是高上玉皇帝註高上玉皇帝者

此斗九官之主也非大道太上玉皇帝此是

天司糾察七政九官中百司君官司吏萬兵

高上玉皇帝主判萬象星官內禁殺伐之事

兼主人物皆總列屬也外察生死之時無不

先知以奉大道太上玉皇帝知不得有非安

也內名關二名天正三名攝提四名益陰事

內不見人世人有見者益壽三百歲後聖君

告玄洲二十九真人曰夫欲知其內道者先

誦中斗九名註即今之北斗是也時人不識

呼為北斗是中斗也太上老君傳教亦呼為

中斗今求道之人但自知之不用教教凡惡

之人即得除死籍上生名心存身著註心存

尊帝二星之名入玉藏長日夜存誦之在心

不休身著是一斗二斗成是若為本一十四

載使入長生法訣授二十九真人法曰但以

本命日及甲子日庚申日旦暮註白日午時

為上坎巳時中申時下夜亥時為上子時為

中丑時下存一斗二斗成法全至七斗魁魁

魁魁魁數足各誦呪遍訖更誦地紀天

網呪遍即畢得之一年无災二年不死三年

得地仙四年入不死五年功力甚通天地救濟人物皆得應順心口六年神通長生自在之驗力不可妄為之秘之吉泄之凶註此是太上後聖真言教授不可妄行之也

老君曰夫作一斗二斗成者各須先檢本訣

然後存履使註使者存時或時伏左肩為魁或為魁心為魁或手為魁之使謂之履使存用步成斗方有神驗可使使也乃從一斗至於七斗皆本文正訣檢之而用

第一魁星文在左手第二指中節上第二魁

星文在左手第二指第一節中上節是也第

三魁星文在左手第三指第一節是第四魁

星文在左手第三指第二節中是也第五魁

星文在左手第四指第二節是第六魁星文

在左手第五指第二節是也第七魁星文在

左手第五指第一節是也

老君曰夫配衣成斗皆須預知有七星本訣即可存步之於身身即通神欲使通神檢此訣遍七星文其斗中二尊帝神三妃二夫人二嬌女大君官遙以敬貴於子與子注上生

名下落死籍後來至學之士謹節孝師供道齋金玉寶重之帛納師玄房寶座之下請受此訣後方始依流珠上存用之乃可進入仙階名書玉錄北斗之君官與司命司錄度名青簡之書高落黑簿之曆此皆道力使攝文

訣使使即得身心通於天地之神神力可用也若不知此訣依經存一百年存用无益一分也此法訣得之行用得知其元一年便通神使靈二年去死辟兵三年仙官矣一十四年要昇即昇要住即住太平金闕帝晨後聖

君補子為世仙官必任去住此法秘之切勿

傳非人直是七百年三傳一傳只三人過此

師被大考師退仙階弟子盜行滅身殺族切

禁後聖君告張天師曰夫欲行網履衣北斗

取成一二三四五六七用濟身助國安家救

人急疾兵疫水火者先須知識乎上文訣此

便是得道之力也聞見凶惡之徒來註問者

猶遠可得存一斗二斗見者五到不可更存斗成便以檢文急指之即走避之得元人之地稍寬即存斗成止殺之便檢一星二星之

文直到七星之文足心急配衣左手存魁星止之立住自伏且休少時急去後到稍無人寬處檢訣存斗成更止之凶惡魔難之徒伏心而退不肯退而死此法大驗不可妄行慎之又告玉君曰訣云一斗成收魄二斗收魂

三斗收神四斗收身註罪重便作法得也五斗飲血飲血是禁訣之別名也六斗誅神是考貴人魂魄別名也七斗止身註止之不佳新大約止是斬之別名又云志人常修行長存一斗成者定魄二斗成者鍊魂三斗成者

調神註神是炁之精物形脉之神因炁而動

四斗成治病五斗成去賊堅身六斗成神靈

衛人七斗成道備通神行之七年以上為天真

註名入天真之位未得上昇之法一十四年

上升天得雲龍鳳鶴笙歌鼓吹玉童玉女夫

人衛兵千萬俱下迎或全家搬宅而去

老君曰修至道之士欲使北斗司命取長生

者法訣在手法經左肘註經是靈書之經法訣印式之要符文行用內秘之訣是經卷子錦袋盛繫肘後也其行網步在經圖註網是

天網紀是地紀也

老君曰修行者常存斗不離身夜思斗在頭蓋身如彼周遍白日思在額之上小形方寸之斗註白日思在額上懸之逐連時轉長一寸已下輪之於天中之間印堂之側令鬼精見而常畏降伏毒心也不離於額祝曰額懸七星毒鬼奔驚敢有崇害反視斬形急急如律令

說存使四斗法圖

老君曰四斗圖者是一身之上存作四斗形也以舉左手額上如斗之勢曲仰如圖掌中仰託魁星左肘魁左肩下臂上為魁心為魁直從左下左脚內陰視為魁左膝為魁左足內踝為魁右亦如左邊算相似各皆成斗之形又倒存亦如之算註倒數即左足內踝為魁向上算取七星數是即此各四斗之法依圖用元火也又左手向上托魁星下至左足內踝為魁星為左斗成又右手向上托魁星下至右足內踝為魁星為右斗成此說前面一斗背後亦存如面前左右為斗則有四斗

成矣註老君法即呼前面為陽斗背後為陰斗左右有兩斗故曰四斗成此斗能去萬災此四斗能消四殺落滅凶惡災害兵甲鬼妖立能消消兵甲伏伏鬼妖之祟也經云七斗消天上災凶六曹崇鬼四斗消地下災殺六

歲土官地獄四司崇鬼五斗能消五行金水木火土之災害也皆存斗而二等制伏凶惡凶惡具上秩註五兵瘟毒蛇蟲等獸訣在五刀支註五刀支金水木火土刀支具掌訣中

說倚配衣存行法圖

老君曰配衣者將斗為衣如人著衣也亦有左右男子左註男左邊先起女右邊先起是男子起倚配衣法先是四斗成圖訖即捨訣註都監訣是也少時便存魁星存左肩下臂上註案圖在左肩下臂左邊近項是各臂胸頭又廉堂是其正名名左右脇堂魁星居心魁星居左足伏鼠魁星居左手腕中魁星居左手掌中註申五指是大掌當好好來取魁星居左足膝上魁星居左足內踝右邊女思之並同左邊思存呼用也此法男女常行之

以辟凶殃災禍修行人要若欲收凶惡先用倚配衣也又修行人入山林深谷之中恐蛇虎者先存之為上後聖君曰此法從三元將軍存使至七斗七斗至四斗四斗至倚配衣倚配衣至立配衣立配衣註此法同倚配衣也倚配衣面南立身男迎面向東女向西是也圖中有名而无畫應是同故不著本流珠

中无也至眠配衣眠配衣至坐配衣坐了即存使擊捨凶惡刀支訣而自消後聖君再勸天師此法不得妄傳妄傳則招禍咎秘之真人也老君授此法與黃帝蚩尤與禹治水與周伐紂乃以伐惡救民令民為善也老君常念其善惡不分故令人君人臣伐惡取善以安萬姓令行天道濟助國土及得身安修生有益註史書記歷代相承皆是天命天使

神人下救兵法即此魁星引書云代代皆是老君下應說而出人口知其姓名有改易不知身是一也而應時改姓名也

說立配衣存行法圖

老君曰立配衣者立即成也案上古真人行

用此書此圖兼掌訣受本師付受口訣修行精熟立思念便是立成俱使應心順口无不得者

說眠配衣存法圖

老君告西山胡王達利曰我得天法教吾眠斗君兵百千億萬而下圍吾師而來攝汝過度災厄不被被害吾師攝食吾師畏我天兵合當救得汝胡王怕急唯投老君老君一念卧斗少間百千億萬而下圍吾師兵馬吾師知老君意退而散去吾師註吾師是老君弟子故假變化形佐助化胡乃飛身從天下傾天兵欲伐殺胡王兵眾胡王畏急乃投老君為計急求生路奴僕敢辭老君即申脚著床卧存四斗救之因此胡人大王伏而乞教道捨位從道以因眠斗之法罵胡王曰我之大眾有百萬人皆欲食汝眷屬為飽今有上天大真仙尊與汝思眠斗之法以隔我天兵我以未能便食汝後日當下來食汝眾言訖當領神兵而去天上於是胡王以頭首叩地以石自搏乞大真仙尊教我王眾等作思眠斗

之法於是老君遂作誠二百五十條誠胡王王依誠不違其吾師便不下經數月日胡王告徒眾此老道人甚有眠斗之法能斷絕得吾師不下吾徒眾故當合學於是胡王領徒眾禮老君三拜長跪前問請我徒眾非道士所護皆被天魔吾師殺食我今叩頭請受取此法以御此魔怪鬼賊侵食我等是時

老君受與眠斗之法胡王精思不退更請進受道法後便得正成佛法皆因卧斗之法而獲陰仙註陰仙是佛也

卧斗法

右以左手蓋頭把魁居左肘懸居左臂左邊是也魁居心懸居臍右手案臍註臍不合受星之炁故將右手以覆臍上存星居手背之上如法每夜卧皆知之長存之長生不死也魁居左膝懸居左足內踝左右同思存又右同用用以左手魁同存用右有為魁也同在會魁在心以火同用又外蓋身者左即從足魁星建向頭火排魁魁魁魁魁魁七魁之頭也右即從頭魁星建至足註同前也

說坐配衣存法圖

老君曰坐配衣者以斗星左右算存用也以坐合兩手存魁在左肩魁在兩手魁在左腎下一寸存在衣上是也魁在左肘魁在膝上魁在左膝下三寸魁在右足外踝右算存亦如是

說使柱天力士擊敵凶惡圖

太上老君曰世人學道在人中或於山林之下道路之上忽有凶惡盜賊等吏橫為身害者閉炁檢訣而兇敵之經云及其宅舍遠敵之其賊自伏而走此亦避之註為其相避有慈悲之道故得伏而前避之彼若不伏即敵之至彼賊敗死為止之驗也不伏敵之取上極而止註上極是敗死盡為極曰先閉炁檢訣註訣是刀支訣名凶惡鬼賊刀支是存其彼凶鬼賊具前上袂中註宅舍作四斗收凶惡鬼魂魄令不得東西南北上下飛走自身作四斗配衣前註前者口後者後孔放炁便寫炁交手曾前作弓弩註男左肘為弩方為弓皆存之驗用張捧箭射之仍踰地三過叱

叱凶惡賊即倒註經曰若展及步

金鎖流珠引卷之十

金鎖流珠引卷之十一

言一

此書與前卷之金鎖流珠引卷之十同其卷中之代也
中華仙人 李洋風 註

說佩諸天隱諱

太上老君曰諸天隱名真諱者皆是九天帝君祖諱祖名也常躡地紀飛天綱皆須帶佩於左肘後及九地隱諱名皆須同一袋帶之帶佩飛躡記即誦十八篇呪依法捨過訣便行大法也後聖君告天師張道陵曰卿欲修仙道之要訣須佩諸天大魔真名隱諱三元五星七星北斗二十八宿三十五星官六甲九州五岳四瀆八方萬國千山萬水真名及隱諱在身百靈不敢言卿一生罪咎之書皆以至心畏敬卿身為保舉卿名言陰功之數不言陽罪之過及司命司錄亦如之也其度佩真諱自有文儀在金鎖流珠中篇

說佩諸地隱諱

老君曰本命日及六甲日佩帶修行為上諸天言功保舉為上仙所尊重諸真諱真名也昔黃帝得廣成君教佩此九地真諱經過之

處神靈俱見拜送扶迎不敢為患受驅使註皆高丘子忽入山中遇一道士授與九州真諱及五岳名諱佩在身丘子食素一百日便常將此諱行往一日至咸陽日已將晚忽見四十九人著綠衣玄冠來迎丘子止子問何故答曰伏緣先生身上佩某乙上祖真言真諱真名姓某乙今受驅使今來迎見也恐此土地社廟不知故以先告報今知委也當直後帝常行躡紀得昇雲天又說西山趙芮向上七代佩天地之諱及名皆代代能驅使鬼神救人疾病累代著功前後得道者計三十餘人得長生或尸解之道或洞府之仙唯趙昇為天仙白日拔宅俱隨身舉至孫芮甚能悉禁非法殺害鬼神太多所被謫仙今為考召書吏註今之典名二千年後方得大仙註按九州地紀云西山古荆州地分即今西山名洪州是也

拔宅上昇天宮

太上老君曰吾受元始真言正法太上道君為保舉制伏天魔地靈方始得身白上昇